

STATUTI

Statuti i *Free Libre Open Source Software Kosova*

Ky statut do të tërëqërisht shoqatën jo-profitabile *Free Libre Open Source Software Kosova*, të themeluar në pajtim me Ligjin Nr.03/L-134 Per Lirine e Asociimit ne Organizatat Joqeveritare ne Republikën e Kosoves.

Neni 1 – Emri, forma dhe adresa

- 1.1. Organizata do të quhet *Free Libre Open Source Software Kosova*
- 1.2. Ajo mund të njihet edhe si *FLOSSK*
- 1.3. Organizata është shoqatë jo-profitabile, sipas definimit të dhënë në nenin 5.2 dhe 6 te Ligjit Nr.03/L-134 Per Lirine e Asociimit ne Organizatat Joqeveritare ne Republikën e Kosoves.
- 1.4. Organizata nuk do të bëjë shpërndarjen e çfarëdo fitimi neto ose të profitit si të tillë për asnjë individ. Pasuria, të ardhurat dhe profiti i organizatës do të përdoren për të mbështetur qëllimet joprofitabile të organizatës dhe nuk do të përdoren për të krijuar beneficione të veçanta individuale, qoftë në mënyrë të drejtëpërdrejtë apo indirekte për asnjërin nga themeluesit, drejtorin, nëpunësin, ndonjë anëtar të shoqatës, ndonjë të punësuar apo donator të OJQ-së. Megjithatë pagesa e kompensimit të arsyeshëm për këta persona mund të bëhet për punën që këta persona kanë bërë për këtë organizatë.
- 1.5. Ndonjë transakcion në mes të anëtarëve, anëtarëve të Bordit të Drejtorëve , personi ose nëpunësi dhe organizatës duhet të mbyllet në vlera reale të tregut ose në kushte që janë më të favorshme për organizatën.
- 1.6. Organizata e ka zyrën e saj qendrore ne *10000 Prishtine, Kroni i bardhe 60-62..*

Neni 2 – Themeluesit

- 2.1. Themelues të organizatës janë:
 - *Milot Shala, 10000 Prishtine, Xhelal Mitrovica 10/a*
 - *Flakron Bytyqi, 10000 Prishtine, Fshati Hajvali*
 - *Shkumbin Brestovci, 10000 Prishtine, Dardania 6/5 C3*
- 2.2. Përfaqësues i autorizuar i organizatës në Kosovë është *Flakron Bytyqi, 10000 Prishtine, Fshati Hajvali.*

Statuti

2.3. Përfaqësuesi i autorizuar emërohet nga Bordi i Drejtorëve dhe duhet të përfaqësojë organizatën në Kosovë dhe pranojë të gjitha shkresat zyrtare në emër të organizatës. Ai ose ajo duhet të jetë përgjegjëse për informimin e autoriteteve relevante administrative për çfarëdo ndryshimi në organizatë.

Neni 3 – Qëllimi

3.1. Organizata është themeluar me qëllim të perkrah, promote dhe zhvilloj:

- *Softuer të Lirë/Libre sië është definuar nga projekti GNU.org*
- *Softuer të Hapur sië është definuar nga www.opensource.org.*
- *Njohuri të hapura dhe participuese të definuara sipas fondacionit Wikipedia.*
- *Edukim në Teknologjinë Informativë sikurse Kurset e Hapura nga MIT.*
- *Shoqëri e hapur duke përdorur standarde për komunikim të lirë dhe të hapur sikurse ato nga W3C.org në Kosovë*

3.2. Për t'i përmbushur qëllimet e saj, organizata do të ndërmarrë, por nuk do të kufizohet vetëm në to, aktivitetet e poshtëshënuara:

- *Mban konferencën vjetore e cila është në dispozicion për publikun në përgjithësi më ëmimin më të ulët të mundshëm që të ndihmoj aspiratat e vendosura në §3.1. Mundëson qasje në softuerin e lirë dhe të hapur dhe njohuritë duke lehtësuar shpërndarjen dhe lokalizimin në gjuhët vendore të Kosovës.*
- *Bashkëpunon me partnerët vendorë dhe ndërkombëtar dhe sponsorët e industrisë, akademitë dhe qeverinë të shtyjnë përpara qëllimet e shoqates.*

Neni 4 – Anëtarësimi

4.1. Anëtarësimi në organizatë është i hapur për çdo person pa marrë parasysh racën, gjininë, orientimin seksual, shtetësinë, kombësinë, religjionin, moshën ose aftësitë fizike.

4.2. Kuvendi i anëtarëve do të vendos nëse do të kërkohet pagimi i anëtarësimi nga anëtarët. Mospagesa e anëtarësisë, pas paralajmërimit në të shkruar, do të shërbejë si bazë për përjashtimin e anëtarit nga organizata.

4.3. Anëtarësimi i ndonjë anëtari gjithashtu mund të përfundojë ose suspendohet me vendimin e Kuvendit të Anëtarëve në rast të *vdekjes, doreheqjes ose suspendimi(mos-respektimit të qëllimit të cekur në statut, mos-aktivitet prej 60 ditësh në punët e shoqates)*. Në rast të suspendimit, kohëzgjatja e suspendimit do të përcaktohet.

4.4. Përfundimi ose suspendimi i anëtarësimi nga Kuvendi i Anëtarëve do të vendoset me **shumicë** të anëtarëve prezent.

Neni 5 – Kuvendi i Anëtarëve

5.1. Kuvendi i Anëtarëve është organi më i lartë qeverisës i organizatës. Ai përbëhet prej të gjithë anëtarëve të organizatës.

5.2. Kuvendi i Anëtarëve ka përgjegjësinë më të lartë për politikën dhe çështjet financiare të organizatës.

5.3. Përpos kompetencave që ka Kuvendi i Anëtarëve sipas statutit, ai gjithashtu ka edhe këto kompetenca: *te zgjedhe anëtarët e bordit të drejtorëve, te miratoj raporte të zyrtareve, te miratoj planin punues vjetor.*

5.4. Kuvendi i Anëtarëve mund të delegojë ndonjë prej përgjegjësive të tij në Bordin e drejtorëve ose ndonjë organ tjetër ose edhe të punësuar të organizatës, me vendimin e shumicës së anëtarëve të tij.

Neni 6 – Mbledhjet e Kuvendit të Anëtarëve

- 6.1. Kuvendi i Anëtarëve do të takohet së paku dy herë në vit në Mbledhjen e Përgjithshme Vjetore (MPV) ku shqyrtohet dhe miratohet raporti për mjetet, detyrimet, të ardhurat, shpenzimet dhe programet e organizatës për vitin e kaluar, si dhe plani për mjetet, të detyrimet e parapara, të ardhurat, shpenzimet dhe programet e organizatës për vitin e ardhshëm.
- 6.2. Kuvendi i Anëtarëve mund të takohet gjithashtu edhe në Mbledhjen e Përgjithshme të Jashtëzakonshme (MPJ) kurdoherë që kërkohet nga (*gjysma e anëtarëve*) ose nga Bordi i drejtorëve. Një kërkesë e tillë duhet t'i drejtohet Sekretarit i cili do të lajmërojë për takimin të gjithë anëtarët, në pajtim me procedurat të shpjeguara në paragrafin 6.3.
- 6.3. Lajmërimi me shkrim për MPV dhe/ose MPJ duke përfshirë datën dhe vendin e mbajtjes së mbledhjes, së bashku me rendin e ditës për takimin do t'u shpërndahet të gjithë anëtarëve së paku (*shtatë*) ditë para ditës së mbajtjes së mbledhjes.
- 6.4. Për mbajtjen e mbledhjes më së paku është e nevojshme pjesëmarrja e 50% + 1 e anëtarëve. Nëse ky minimum (kuorumi) nuk arrihet takimi do të shtyhet për një ditë të përcaktuar më vonë dhe lajmërimi i ri do t'u dërgohet të gjithë anëtarëve.
- 6.5. Secili anëtar i organizatës ka një votë në Kuvendin e Anëtarëve.
- 6.6. Vendimet në Kuvendin e Anëtarëve do të merren me shumicën e anëtarëve prezent.
- 6.7. Secili anëtar i Kuvendit të Anëtarëve mund të abstenojë nga votimi ose marrja e vendimit në çfarëdo çështje për të cilën ai ose ajo ka interes personal ose ekonomik.

Neni 7 – Bordi i Drejtorëve

- 7.1. Përpos kompetencave të dhëna me këtë statut, Bordi i Drejtorëve duhet të jetë përgjegjës për kontrollin dhe udhëheqjen e çështjeve dhe pasurisë së organizatës. Bordi i Drejtorëve duhet të veprojë çdo herë në pajtim me qëllimin e organizatës.
- 7.2. Përpos kompetencave të dhëna me këtë statut, Bordi i Drejtorëve do të ketë gjithashtu edhe këto kompetenca:
- *të përfaqësojë organizatën dhe të veprojë në emër të organizatës,*
 - *të lidh organizatën në ndonjë marrëveshje me nënshkrimin e dy drejtorëve,*
 - *të emëroj dhe zgjedh përfaqësues,*
 - *t'i përcaktoj kompetencat dhe detyrat e çdo përfaqësuesi.*
- 7.3. Bordi i Drejtorëve zgjedhet nga anëtarët e organizatës. Ata do të zgjidhen individualisht nga Kuvendi i Anëtarëve me shumicë të votave nga anëtarët e pranishëm. Drejtori zgjedhet në kohëzgjatje prej (*një*) viti dhe do të ushtroj detyrën deri në zgjedhjen e drejtorit të ri.
- Mandati (kontrata) e punës mund të pushoj: në rast vdekje, dorëheqje ose shkarkim nga detyra
- 7.4. Bordi i Drejtorëve do të ketë të paktën 3 (tre) anëtarë: Kryetarin, Sekretarin dhe Arkatarin.
- 7.5. Anëtarët e Bordit të Drejtorëve **mund** të zgjedhen për mandate të njëpasnjëshme.
- 7.6. Anëtarët e Bordit të Drejtorëve mund të shkarkohen para përfundimit të mandatit me votat e MPV-së dhe MPJ-së të Kuvendit të Anëtarëve.
- 7.7. Në rast të vdekjes, dorëheqjes ose shkarkimit të anëtarit të Bordit të Drejtorëve, Kuvendi i Anëtarëve duhet të zgjedh pasardhësin për të shërbyer për kohën e mbetur.
- 7.8. Vendimet në Bordin e Drejtorëve merren me shumicë.
- 7.9. Bordi i Drejtorëve mund të vendos t'i drejtohet për çfarëdo çështje Kuvendit të Anëtarëve për marrje të vendimit.
- 7.10. Kurrëfarë pagese ose kompensimi nuk duhet t'u bëhet drejtorëve pa aprovimin e Kuvendit të Anëtarëve dhe vetëm kur pagesa ose kompensimi është i arsyeshëm dhe bëhet për punën e kryer për organizatë.
- 7.11. Secili anëtar i Bordit të Drejtorëve mund të abstenojë prej votimit për marrjen e vendimeve ose për çfarëdo çështje tjetër për të cilën ai ose ajo ka interes personal ose ekonomik.

Neni 8 – Zyrtarët dhe Nëpunësit

- 8.1. Në rast nevoje Bordi i Drejtorëve do të emërojë Zyrtarë ose të pranorë persona që të marrin përsipër kryerjen e detyrave ditore të organizatës. Kohëzgjatja e punësimit të tyre duhet të caktohet nga Bordi i Drejtorëve, i cili duhet të informojë Kuvendin e Anëtarëve për emërimet e tilla.

8.2. Zyrtarët duhet të punësohen përmes marrëveshjes së shkruar e cila detalizon të gjitha të ardhurat dhe të mirat e tjera që duhet t'i paguhen Zyrtarit. Të gjitha pagesat duhet të jenë të arsyeshme dhe duhet të paguhen vetëm punën e kryer për organizatë.

Neni 9 – Shpërbërja e organizatës

9.1. Organizata mund të shpërbëhet me vendimin e shumicës së anëtarëve të Kuvendit të Anëtarëve.

9.2. Kur te vendos per shperberjen e organizates, kuvendi i anetareve do te tregojë emrin e shoqates ose fondacionit qe do te marre pasurine e mbetur pasi te jete liruar nga detyrimet e organizates. Shoqata(t) ose fondacioni(et) e zgjedhura duhet te kene qellime te njejta ose te ngjajshme sikurse organizata.

Neni 10 – Ndryshimet e statutit

10.1. Statuti i tanishëm mund të ndryshohet me vendimin e *dy të tretave* të shumicës së Kuvendit të Anëtarëve.

Neni 11 – Periudhat e Raportimit dhe Viti Financiar

11.1. Bordi i Drejtorëve dhe Zyrtarët e emëruar do të paraqesin raporte vjetore para Kuvendit të Anëtarëve, MPV ose kurdoherë që kërkohet nga një MPJ.

11.2. Viti financiar i organizatës do të përputhet me vitin kalendarik.

Ky statut është aprovuar në ***Prishtine***

Më ***22 Shkurt 2009***

Nga themeluesit e organizatës

Milot Shala

Shkumbin Brestovci

Flakron Bytyqi
